

# Aanval eis 21 in

Die Volksblad - 2 MAY 1992

## Mosambiek

### Korrespondent

JOHANNESBURG. - Altesame 21 mense is dood en 26 beseer toe 'n konvooi van vragmotors, wat sement van Suid-Afrika na Mosambiek vervoer het, en verskele private motors Woensdag in die suide van Mosambiek naby die Suid-Afrikaanse grens aangeval is, het die Portugese radiodiens berig.

Luidens dié berig, wat deur die British Broadcasting Corporation gemonitor is, is die rede vir die

aanval, en wie vir die aanval verantwoordelik was, nog onseker.

'n Polisiesersant van Komatipoort het vroeër gesê een van die slagoffers is 'n Suid-Afrikaner. Reëlins word getref om sy lyk na Suid-Afrika terug te bring.

Die Suid-Afrikaanse Polisie het gister geen inligting oor die voorval gehad nie, en kon nie bevestig dat so aanval plaasgevind het of dat 'n Suid-Afrikaner gesterf het nie.

Sapa berig volgens 'n agent op Malelane in Oos-Transvaal, wat in-

en uitvoer hanteer van een van die hom gesê 20 lyke het ná die aanval.

Die Mosambiekse nuus AIM het gister bevestig 'n het Woensdag in dié land gevind, maar volgens die agentsk. net 4 mense dood en 27 beseer. Ai kon nie bevestig of een van die slagoffers 'n Suid-Afrikaner is nie.

Die meeste van die vragmotors het sement vir bouprojekte van Suid-Afrika na Mosambiek vervoer.

Renamo, 'n weerstandsbeweging in Mosambiek, en die Mosambiekse regering is steeds in 'n burgeroorlog gewikkel. Vredesamesprekinge tussen Renamo en die regering is in Julie 1990 in Rome, Italië, begin, maar 'n skietstaking is nog nie bereik nie.

Die oorlog in Mosambiek het na skatting sedert 1976 reeds sowat 'n miljoen lewens geëis.